



quarumcumque, etiam hospitalis Sancti Joannis Hierosolymitani, aliisque quomodolibet exemptis, ac Nobis, & Apostolica Sedi immediate subjectis, Regularibus utriusque sexus, ultra predictas, etiam privationis beneficiorum, & dignitatum, ac officiorum ecclesiasticorum, etiam monasteriorum, priuatorum, & preceptoriarum, ac aliorum quorumcumque, & inhabilitatis perpetue ad illa imposterum obtinenda, ita quod personae ecclesiasticae pravia illarum degradatione, curiae seculari tradantur puniendae; in episcopali vero, archiepiscopali, & metropolitana, primatiali, patriarchali, aut quacumque alia etiam superiori ecclesiastica, vel mundana quantumvis sublimi, eccellente, & speciali nota digna, etiam suprae constitutis dignitate, et occultam eorum societatem, ut colligitur ex *cit. const.* Sixti V. quam obligare non solum in foro exteriori, sed etiam in interiori conscientiae tenent Sanchez, Salas, Homobonus, Bonacina, Barbosa, & alii. Quod si aliquando vera fuerint praedicta, non est quod ea astris poterint certo praenoscere, sed ideo est, vel quia causa ita accidit, ut docet Divus Augustinus *lib. 7. Confess. c. 6.* vel (quod verius est) quia interdictum pactum, & invocatio demonis suggerentis sibi nota ad homines decipiendos, ut docet idem S. Augustinus *lib. 5. de Civitate Dei c. 17. in fine.* Et sic Lessius *lib. 2. c. 43. dubit. 6. n. 43. Filliuc. tract. 24. c. 4. part. 6. n. 93.* & alii passim. Si vero Astrologi solum in genere praenoscant, ut si probabilis ratio reddi possit ex aetate, dispositione corporis, temperamento, consuetudine vitae, aut aeris affectione, quae ex syderum concursu, vel astrorum aspectu proveniat, non sunt condemnandi; Lessius *l. c. n. 42.* & alii. ¶ Hinc peccatum non est timere, aut cavere aliquid praenuntiatum ex cognitione syderum, quatenus ex corporibus pendit, ita tamen ut homo pro conjectura solum habeat quicquid in eo cognitur, & certo illi sibi suadeat, cum scientia astrorum non habeatur perfecte: Bonacina, Escobar, & plures apud Mendo *de jure academico lib. 2. q. 30. in append. §. 4.*

Neque illicitum est, si cometa, aut stella nova appareat, investigare ejus causas, & effectus ex principis naturalibus, quantum ex his conjici potest: D. Thom. *3. p. q. 36. art. 7. ad 1.* ¶

Inquientes occulta furta, vel alia delicta occulta ab Astrologis Judicariis, sicuti & per quavis divinationem, peccant mortaliter, quia absque demonis auxilio haec sciri nequeunt; Sotus *de iustitia lib. 8. q. 3. art. 2. circa solutionem ad 3. Navarr. sum. cap. 11. num. 30.* Martin Delrio *lib. 4. disquisit. Mag. cap. 2. q. 7. sect. 4.* & alii. Sic etiam mortaliter peccant consulentes Astrologos ad inveniendos thesauros occultos, & consulentes eos, qui affirmant se videre venas metallorum, & thesauros in terrae visceribus patentes, & recurrentes ad eos pro difficili curatione morborum, quia non possunt naturaliter, sed solum ope demonis illa scire, & penetrare, & respective curare; Naldus *verb. Astrologus n. 1.* Sanchez *in Decalog. tom. 1. lib. 2. c. 38. n. 36.* & alii plurimi; Et colligitur ex *cap. Qui sane salvatore q. 2. caus. 26.* ubi sic dicitur: *Omni inquisitio, & omnis curatio, quae a divinis, & magicis artibus, expeditur, mors potius danda est, quam vita; qui ea sectantur, si se non correxerint, ad aeternam perditionem tendunt.*

Contra Astrologos Judicarios varie statuta poene. In *l. Nemo, & in l. Etsi Cod. de maleficis, & mathematicis*, statuitur eadem poena, quae est statuta contra Necromanticos, & alios Magos. In *Concil. Toletan. 10. c. ult. & in constit. Sixt. V. incip. Caeli, & Terrae Creator, & in constit. Urban. VIII. incipien. Inscrutabilis* Judiciorum Dei altitudo, statuitur poena excommunicationis ipso facto. Et in praefatis constitutionibus statuitur, quod severius possint ab Inquisitoribus, & Ordinariis locorum puniri, & si praesumant praedicere, & sua falsa Judicia formare de statu republicae christianae, vel Sedis Apostolicae, sive de vita, aut morte Papae, & eorum consanguineorum usque ad tertium gradum, statuitur quod tamquam rei laesae majestatis poena ultimi supplicii, & confiscatione omnium honorum puniantur. Etiam si protestentur, se non certo affirmare, quod dicunt; Ur-

banus VIII. in *cit. constit.* Inscrutabilis. Easdem poenas incurrunt Astrologi talia Judicia sive a se, sive ab aliis facta scienter retinentes, vel dantes, seu ostendentes aliis, aut de his quovis modo tractantes; Urbanus VIII. *ib.* si ecclesiastici sint, tam seculares, quam regulares incurrunt, ultra praedictas poenas, etiam privationem omnium beneficiorum, & officiorum, & perpetuam inhabilitatem, & pravia degradatione, tradendi sunt curiae seculari pro condigna punitione, *ib.* Si sint Episcopi, aut etiam majores Praelati, ipso facto privantur omnibus gradibus, dignitatibus, & beneficiis, & incurrunt, ultra excommunicationem sicut alii, privationem regiminis, & perpetuam inhabilitatem, *ibidem.* Easdem poenas incurrunt etiam omnes consulentes tales Astrologos, Ariolos, Mathematicos, Aruspices, Vaticinatos, & alios hujus generis de statu republicae christianae, aut Sedis Apostolicae, vel de vita, & morte Papae, aut ejus consanguineorum usque ad tertium gradum, vel qui Judicia, aut praedictiones in praefatis etiam sponte oblata receperint, illisque usi fuerint, vel apud se retinuerint; Urbanus VIII. in *cit. constit.* Inscrutabilis Judiciorum Dei altitudo.

A quibus autem iudicandi, & condemnandi sint hujusmodi Astrologi Judicarii, statuitur expresse in *cit. constit.* Inscrutabilis §. 5. his praecis verbis: "Cognitionem autem causarum hujusmodi quoad personas ecclesiasticas, tam seculares, quam regulares, in Urbe nostra, & illius districtu, ad dilectos filios nostrum in dea Vicarium in Spiritualibus generalem, nec non ejusdem Urbis gubernatorem, ac causarum Curiae Camerae Apostolicae Auditorem generalem, & eorum quemlibet in solidum; extra vero Urbem, & districtum praedictum in provinciis Nobis & Apostolicae Sedi subiectis ad S.R.E. Cardinales in eisdem provinciis de latere Legatos, & Praelatos, & Presides in dignitate ecclesiastica constitutos pro tempore existentes. In aliis vero omnibus, & singulis provinciis, regnis, civitatibus, oppidis, castris, & locis tam sub nostra, & dictae Sedis, quam cujusvis alterius principis ditione comprehensis, privative quoad omnes etiam Superiores Religiosorum, ipsisque superioribus penitus exclusis, ad Ordinarios locorum, ubilibet vero locorum etiam ad haereticam pravitatis Inquisitores spectare volumus." Astrologia Judicaria libros retinentes, ac legentes ab Inquisitoribus contra haereticam pravitatem puniri possunt; Sixtus V. in *cit. constit. incip. Caeli, & Terrae Creator.*

Aegyptianae, vel Aegyptianae, vulgo dicti Zingari, vel Zingare, qui se jaçant divinare bonam, vel malam fortunam, & in dies ab idiotis praesertim, & plebeis passim de sua sorte consuluntur, possunt ab Inquisitoribus puniri; sic Villadiego *in polit. c. 5. §. 20. n. 40.* & alii. Tam Aegyptianae, & Aegyptiani id facientes, quam omnes alii ipsos, vel ipsas consulentes, peccant mortaliter, si fiat cum firma fide, vel scandalo. Si vero fiat propter solam curiositatem, vel solum ridendi, ut communiter fieri solet, peccant tantum venialiter; Filliucius *tract. 24. n. 135.* Lupus *p. 322. diff. 2.* Busemb. *Medull. lib. 3. tract. 1. dub. 2. n. 10.* Sanchez & alii passim. Vide *verb. Zingari per tot.*

Astrologi qui vera dicunt, magis cavendi sunt, quam qui falsa. Hi enim vanitatem suam ostendunt, illi vero cum demone foderis suspitionem; S. Augustinus *lib. 5. de Civitate Dei c. 7.* apud Ursayam in *Miscelaneo primo lit. A. n. 299.*

Astrologia naturalis, sive astronomia, quae astronomiam theoriam contemplatur, & nullo jure prohibetur. Quaecumque autem Auctor contra illam accumulat, de judicaria tantum sunt intelligenda; quae nec scientia, nec ars, nec nisi futilis est conjectatio, quapropter & illam profertentes, & illi credentes a doctis viris, & ab utroque jure merito damnantur.

Astrologia judiciaria plurimis etiam Imperatorum constitutionibus jam inde ab initio vetita, & severe vindicata fuit; Ulpianus *lib. 7. de Offic. Proc. in collat. Leg. Moisia. tit. 15.* Nusquam vero severius in hujusmodi homines saevitum est, quam quum Valens ea de causa omnes philosophos extinxit, nec solum philosophos, sed & qui philosophorum habitu utebantur, adeo ut nemo jam palis indui vellet ob periculi metum, ne ex eorum numero vi-

deretur, qui futura praedicerent, Sozomen. *lib. 6. histor. eccles. c. 36.* Ammian. Marcellin. *lib. 39.* Tulitque tunc temporis Valens legem 8. C. Theodosiani de maleficis, & mathematicis, his verbis conceptam: *Cesset mathematicorum tractatus. Nam si qui publice aut privatim in die noctuque deprehensus fuerit in cobibito errore versari, capitali sententia feriatur uterque; neque enim dissimilis est culpa prohibita discere, quam docere: cujus portio est lex itidem 8. Codic. Justiniani, eod. titul.*

Jacobus Gothofredus, in *commentar. ad d. l. 8. Cod. Theod. de maleficis, & mathematicis.* Huic legi, ait, occasione omnino praebuisse credo memorabilem illum Genilium, & mathematicorum tractatum, quem memorant Amm. Marcellin. Ec. Zosimus Ec. Socrates Ec. Sozomenus Ec. Philostorgius Ec. & post omnes Nicephorus Ec. & Cedrenus Ec. Genilium scilicet Christiani Principis peritiam suarum vicissim partium Imperatorem avidius experientem, imperatori post Valentem nomen detestando divinatorum generis exploratum tum iverant. Quae res & mathematicorum nonnullos, Consultoresque ad ultimum supplicium perduxit, & Valentem ad hanc constitutionem proculdubio adiegit.

Refert Procopius in *Anecdotis*, Justinianum infensum 46 astrologiae eoque camelis per civitatem vectos humeris cecidisse; & tamen nulla lex Justiniani adversus eos reperitur in titulo *Cod. de maleficis, & mathematicis.* ¶

(Conveniunt praesenti doctrina leg. tit. 23. p. 7. 9. tit. 1. 1. & 2. tit. 4. lib. 8. Ord. Reg. §. tit. 1. 5. 6. 7. & 8. tit. 4. lib. 8. Recop. Cast. recognoscatur add. hisp. verb. Sors, verb. Superstitio, & verb. Zingari: insuper addatur, per leg. 6. tit. fin. lib. 8. Ord. Reg. inter causas haereseos artem numerari divinatoriam, & per leg. 4. tit. 7. p. 6. concedi parentibus facultatem filios suos similia exercentes exheredandi.)

ASYLUM, vide *verb. Immunitas art. 2. per tot.*

ATTENTIO.

SUMMARIUM.

- 1 *Attentio quid sit, & per quid differat ab intentione.*
- 2 *Attentio quotuplex, ad n. 8.*
- 3 *Ex attentionibus internis quilibet triplex, ad n. 12.*
- 4 *Quae requiritur sub mortali ad divina officia, ad num. 23.*
- 5 *Quae ad peccatum mortale propter ejus defectum, ad num. 25.*
- 6 *Ad quam teneantur Clerici beneficiati, ad n. 35.*

ATTENTIO est actus intellectus, per quem homo considerat ea, quae facit, & differt ab intentione, quia intentio non est actus intellectus, sed est actus voluntatis circa finem; Sic Doctores communiter. Attentio est duplex, interna, & externa. Attentio interna est animi advertentia, & applicatio ad id, quod agit, seu recitat. Attentio externa est illa, per quam mihi externe fit incompatibile cum attentione interna, ut legere, scribere, pingere &c. Attentio interna circa orationem vocalem est triplex, scilicet superficialis, literalis, & spiritalis. Attentio superficialis est illa, qua attenditur ad verba tantum, ut ea recte, distincte, & reverenter proferantur, & non confundantur. Attentio literalis est illa, qua attenditur ad sensum verborum, ut haec percipiantur mente, & affectus applicetur ad hoc, quod verba significant. Attentio spiritalis est illa, qua attenditur ad Deum, ut terminum nostrae orationis, & ad rem, seu gratiam, pro qua oratur. Quilibet ex his tribus attentionibus adhuc est triplex, scilicet, actualis, virtualis, & habitualis. Actualis est illa, qua sic actu mente attenditur ad verba, sensum, & Deum, seu gratiam petitam, ut sic exclusa omnis alia cogitatio extranea, id est, in genere, est illa, qua reipsa mens cogitat eodem momento, quod actus producit externus. Virtualis est illa, qua a principio quidem mente attenditur ad verba, sensum, & Deum, seu gratiam petitam, postea tamen orans involuntarie distr-



